



**ACTA DA SESIÓN EXTRAORDINARIA DE CONSTITUCIÓN DO
CONCELLO DE CASTRELO DE MIÑO CELEBRADA O DÍA 13 DE
XUÑO DO 2015**

No Salón de Plenos da Casa do Concello de Castrelo de Miño (Ourense) cando son as doce horas e trinta minutos (12.30 h) do trece de xuño de dous mil quince en cumprimento do disposto nos artigos 195 da Lei orgánica 5/1985 de 19 de xuño de Rexime Xeral Electoral e no artigo 37.1 do Regulamento de organización, Funcionamento e Rexime xurídico das corporacións locais, aprobado polo Real Decreto 2568/86 de 28 de novembro, concurren debidamente convocados, os concelleiros electos nas eleccións locais celebradas o 24 de maio de 2015 e que son:

ASISTENTES:

Xurxo Rodríguez Mendez
Alfredo Fernández Rodríguez
Rita María Lago Ozores
María Isabel Rodríguez Perdiz
Rafael Carrizo Peña
Benito Rodríguez Villanueva
Antonio Sousa Alvarez
Jose Alfonso Osorio Telle
Catalina González Álvarez

Constitúen un total de nove (9) concelleiros electos, e por tanto superan a maioría absoluta dos concelleiros electos esixida no artigo 195.4 da L.O. 5/1985 de 19 de xuño de Rexime Electoral Xeral e reúnense co obxecto de celebrar a sesión pública extraordinaria de constitución do concello dando fe do acto a secretaria do concello Ana M^a Guerra Villamarín quen fai constar que se cumpriu o requisito que preceptúa o artigo 7 do ROF –presentación das credenciais na Secretaría do Concello-, como trámite previo legal para este acto.

1º.- CONSTITUCIÓN DA MESA DE IDADE

Aberta a sesión, pola secretaria dáse lectura do artigo 195. 1 e 2 da LOREX, reproducido polo artigo 37.1 do ROF, procedéndose de seguido a chamar ós

concelleiros electos de maior e menor idade dos presentes, co obxecto de formar a Mesa de Idade, quedando integrada por:

- D. Rafael Carrizo Peña, de 56 anos de idade como concelleiro de maior idade.
- D. Jose Alfonso Osorio Telle, de 32 anos de idade concelleiro de menor idade.
- Ana M^a Guerra Villamarin, secretaria-interventora do concello.

2º.- CONSTITUCIÓN DA CORPORACIÓN

A secretaria da lectura ó artigo 195.3 e 4 da LOREX, reproducido polo artigo 27.3 3 e 4 do ROF, pasando os membros da Mesa a comprobar as credenciais presentadas polos candidatos electos, as cales se atopan conformes coa acta de proclamación de candidatos do 1 de xuño de 2015 emitida pola Xunta Electoral de Zona de Ribadavia.

De seguido, a secretaria manifesta que tódolos concelleiros e concelleiras electos presentaron con carácter previo á sesión constitutiva, as correspondentes declaracións de causas de posible incompatibilidade e sobre calquera actividade que lles proporcione ou poida proporcionar ingresos económicos, e de bens patrimoniais, de acordo co disposto polo artigo 75.7 da Lei 7/1985, do 2 de abril, reguladora das bases do réxime local.

A continuación, a secretaria pon en coñecemento dos concelleiros electos que, de conformidade co disposto no artigo 108.8 da LOREX, no momento da toma de posesión e para adquirir a plena condición do cargo de concelleiro, os candidatos electos deberán xurar ou prometer segundo a fórmula recollida no artigo 1 do Real decreto 707/1979, do 5 de abril.

A secretaria da Corporación formúlalles ós concelleiros electos a seguinte pregunta por orde alfabética de apelidos:

"¿ XURA OU PROMETE POLA SUA CONCIENCIA E HONRA CUMPRIR FIELMENTE AS OBRIGAS DO CARGO DE CONCELLEIRO DO CONCELLO DE CASTRELO DE MIÑO CON LEALDADE Ó REI, GARDAR E FACER GARDAR A CONSTITUCIÓN COMO NORMA FUNDAMENTAL DO ESTADO?"

Todolos concelleiros presentes prestan xuramento ou promesa por orden alfabético de apelidos.

Ó seren nomeados un por un os concelleiros electos responden o seguinte:

	SI XURO	SI PROMETO	SI XURO E PROMETO
Rafael Carrizo Peña		x	
Alfredo Fernández Rodríguez		x	



Catalina González Alvarez		x	
Rita María Lago Ozores		x	
Jose Alfonso Osorio Telle		x	
Xurxo Rodríguez Méndez		x	
María Isabel Rodríguez Perdiz		x	
Benito Rodriguez Villanueva	x		
Antonio Sousa Alvarez		x	

De seguido, o Sr. Presidente da Mesa de Idade declara constituída a Corporación integrada polos nove concelleiros que veñen de tomar posesión do seu cargo.

3º.- ELECCION DE ALCALDE

A secretaria da Corporación le o disposto polo artigo 196 da LOREX, no que se establece o procedemento para a elección do alcalde.

En cumprimento da citada normativa, serían candidatos a alcalde os seguintes concelleiros, que o ratifican:

CANDIDATOS	LISTA
XURXO RODRIGUEZ MENDEZ	BNG
BENITO RODRIGUEZ VILLANUEVA	PP
CATALINA GONZÁLEZ ALVÁREZ	PSdeG- PSOE

O Presidente da mesa de idade explica cal vai ser o procedemento para a votación da elección de alcalde, consistente no chamamento por orde alfabético de apelidos de cada un dos concelleiros que pronunciará en voz alta o nome e apelidos do candidato a alcalde a quen votan.

	BNG	PP	PS de G - PSOE	Abstención
Rafael Carrizo Peña	x			
Alfredo Fernández Rodríguez	x			
Catalina González Alvarez			x	
Rita María Lago Ozores	x			
Jose Alfonso Osorio Telle		x		
Xurxo Rodríguez Méndez	x			
María Isabel Rodríguez Perdiz	x			
Benito Rodriguez Villanueva				x
Antonio Sousa Alvarez		x		

Finalizada a votación, a Mesa de Idade procede a realizar o recuento sendo o resultado o seguinte -9 votos válidos- e unha abstención:

CANDIDATO	LISTA ELECTORAL	VOTOS OBTIDOS
XURXO RODRIGUEZ MENDEZ	BNG	CINCO (5)
BENITO RODRIGUEZ VILLANUEVA	PP	DOUS (2)
CATALINA GONZÁLEZ ALVAREZ	PSdeG-PSOE	UN (1)

Habendo obtido a maioría absoluta de votos dos/as concelleiros/as que compoñen a corporación, queda proclamado alcalde electo Xurxo Rodriguez Mendez , que encabeza a lista presentada polo Bloque Nacionalista Galego- Asambleas Abertas.

A secretaria da Corporación explica que, de conformidade co disposto no artigo 18 do Real decreto legislativo 781/1986, do 18 de abril, e no artigo 40.2 do ROF, no momento da toma de posesión e para adquirir a plena condición do cargo de alcalde, o candidato electo debe xurar ou prometer o cargo con suxeición á fórmula prevista no Real decreto 707/1979.

De acordo co exposto, fórmulaselle a seguinte pregunta ó alcalde electo:

¿XURA OU PROMETE POLA SÚA CONCIENCIA E HONOR CUMPRIR FIELMENTE AS OBRIGAS DO CARGO DE ALCALDE CON LEALDADE Ó REI, GARDAR E FACER GARDAR A CONSTITUCIÓN COMO NORMA FUNDAMENTAL DO ESTADO?

O alcalde electo D. Xurxo Rodriguez Mendez, responde: "*si prometo*"

A continuación toma a palabra que formula o seguinte discurso:

Concelleiras, concelleiros, veciñas e veciños de Castrelo de Miño, amigas e amigos,

Permitídemme en primeiro lugar agradecer a vosa presenza esta mañá de sábado neste solemne acto institucional de Constitución da nova Corporación Municipal do Concello de Castrelo de Miño.

Esta é a décima Corporación da actual etapa democrática, iniciada nos concellos no ano 1979.

Eu teño hoxe tamén a honra de ser xa a terceira vez que me dirixo a todos vos nun acto solemne coma este, pero coa mesma emoción e entusiasmo que na primeira vez en 2007. Tiñamos daquela por diante un grande e estimulante traballo, renovar as formas de facer política e de interpretar a relación do Concello cos seus veciños, e converter o Concello nun instrumento de mellora da súa calidade de vida. Oito anos despois todos somos conscientes da transformación que o goberno do BNG realizou en Castrelo de Miño. Este mesmo salón no que hoxe estamos reunidos é un pequeno exemplo dilo. Exemplo do que pasou dentro, e do que pasou fóra destas portas.



Pasaron oito anos, pasaron moitas cousas, traballamos arreo e fixemos moito, á vista está. Pero o tempo e a experiencia tamén nos fixeron evolucionar como persoas, como políticos e como gobernantes. E para servos sincero, sígome reafirmando naquelas fermosas verbas que citei en 2007: *Queremos axudar-nos os uns aos outros, os homes somos así. Queremos vivir da felicidade dos demais e non da súa desgracia. Non temos ganas de odiarnos e desprezarnos. Neste mundo hai sitio para todos... Verbas citadas do discurso que pronunciaba Charles Chaplin na súa mellor película.*

E se ben é certo que tratei con moitas e moitas grandes persoas, veciños e veciñas de Castrelo de Miño que me convenceron de que os humanos queremos vivir da felicidade dos demais, tampouco vou obviar que desgraciadamente tamén nos atopamos con quen non opinaba así. Con quen para conseguir os seus obxectivos, non lle importaban os medios a usar.

Pero iso non vai connosco. Nós non somos deses, sabédelo. Nós chegamos ao goberno co alento dos veciños que pedían un cambio, e cun sorriso na faciana.

Tanto cando partíamos desde a oposición, como cando partimos desde o goberno, sempre vivimos os procesos electorais como unha festa da democracia na que os veciños decidían. Para nós, un proceso electoral nunca foi unha guerra, como outros din, nin xiquera chegou a ser para nós unha contenda ou un batalla, como escoitei nesta campaña da boca de algúns.

Para nós é una festa, é a máxima expresión da vontade popular, e participamos nela coas mans abertas e o corazón ilusionado. Sen malas palabras, sen malas verbas, sen mentiras, sen ameazas, sen ruído nin foguetes de artificio. Para que queremos ruído podendo celebralo con bicos e apertas!

Esta reflexión que aquí fago, e para dicirvos que si ben o mundo non é tan bonito e inocente como nos esperabamos, este coñecemento adquirido tamén nos vai axudar para continuar camiñando na boa dirección outros catro anos máis. Non nos vai desviar da nosa ruta, e vainos permitir andar mellor. Decía Eduardo Galeano que a utopía esta no horizonte. E ao camiñar dous pasos, ela alónxase outros dous e o horizonte fuxe dez pasos máis alá. Para que serve entón a utopía? Para iso, para seguir camiñando cada día.

E como Mario Benedetti tamén dixo aquilo de que para o optimismo non hai vacinas, cheos de ilusión renovada hoxe iniciamos un novo mandato, no que gobernando coma sempre, para todos e todas, adicarémoslle especialmente o noso tempo e a nosa atención a quen realmente o merece, a quen realmente o necesita. Adicarémoslle o tempo preciso e o apoio necesario a quen constrúe, a quen crea e cree en Castrelo. Evitaremos, e non perderemos o tempo con trampas políticas que atranquen ou ralenticen proxectos beneficiosos para os nosos veciños.

Por iso veñen por diante catro anos nos que imos camiñar mellor. Co paso firme e seguro, evitando calquera distracción.

Porque o pobo falou, e falou alto e claro, dándonos de novo a maioría absoluta á candidatura que teño a honra de encabezar. E como cantaba José Afonso, o pobo é quen máis ordena.

A brúxula que nos vai guiar, é a folla ruta en forma de programa electoral que entregamos a todos os veciños do noso concello. Programa de goberno

que foi apoiado maioritariamente. Este é o noso contrato coa veciñanza, esa é a nosa folla de ruta que nos guiará nesta viaxe, nesta marabillosa aventura na que me acompañarán levando o timón desta nave Alfredo, Rita, Maribel e Rafael.

Por todo isto veciños e veciñas este mandato que comeza hoxe e finaliza en 2019, vai por vós!

Polos que soñades cada día cun concello mellor, e en vez de poñerlle chatas á obra, dades un paso adiante e traballades nela.

Vai por vós, polas que participades todos os meses na feira, polas que descubrides cada verán o Miño navegando en catamarán, polas que ides pasar o voso tempo de lecer as áreas de pescastrelo e o parque náutico.

Vai por vós, polos que ledes Castrelo informa e castrelo.gal, polos que ides todas as tardes aos cursos da aula de novas tecnoloxías, polos que pasades as tardes na biblioteca, polos que organizados as festas do voso pobo, polos que traballades desde as distintas asociacións, xuvenís, de mulleres, deportivas, culturais...

Vai por vós,

polas que vivides na vivenda comunitaria, polas que vos esforzades, polas que asistides ás actividades do centro de día, pola mocidade que vos estades formando en fp dual en castrelo, polas mulleres do programa aurora que estudades para sacar adiante o título de coidadora en fogar e institucións, polas que levades un ano aproveitando o programa integrado de emprego ribeiro do miño e xa non tendes ocos na parede para colgar máis títulos.

Vai por vós

polos que percorredes os paseos fluviais, polos que vos bañades na piscina ou no río, polos que remades, polos que navegades a vela ou a motor,

Vai por vós,

polos voluntarios e os traballadores do concello que estades cada día ao dispor dos veciños,

Vai por vós,

polas que usades os xogos biosaudables, polas que vos poñedes en forma no pavillón e no ximnasio, polas que vos reunides nos novos locais socioculturais das parroquias,

Vai por vós,

polas que recuperastes a liberdade usando o CastreloBUS, polos maiores que seguides vivindo nas vosas casas grazas á axuda á domicilio e a teleasistencia.

En definitiva, Vai por vós, por todos e todas vós,

polos que construídes, polos que arrimades o ombro, polos que vos ilusionades como o primeiro día, polos que non podedes conter o entusiasmo e se vos escapan as bágoas coa emoción, polos que cada día facedes patria, país e concello,

Por iso, por ser como sodes, por construír Castrelo a cada instante, desta volta este mandato que hoxe comeza vai por todos vós!

Viva Castrelo de Miño!

Viva Castrelo Positivo!

Avante toda! que non hai quen nos pare!

Acto seguido, a secretaria-interventora procede a dar lectura á acta de arqueo extraordinario de data 12.06.2015, asinada polo alcalde en funcións, a secretaria-



interventora e o tesoureiro, á que se unen como xustificantes as certificacións emitidas polas entidades bancarias, sobre as existencias en metálico depositadas nas entidades bancarias, para cumprir co disposto no 36.2 do ROF:

Denominación conta	Saldo
ABANCA. Suc. Castro de Miño.	106.282,88
ES85 2080 0423 60 3110000019	13.008,10
Contas restr.ES77 2080 0423 14 3110000064	65.547,57
ES91 2080 5289 25 3110002547	27.727,21
BANCO SABADELL GALLEGO. Suc. Ribadavia	78.597
Contas restr. ES53 0081 2299 25 0001008502	25.803,94
ES45 0081 2299 26 0001008403	29.720,81
ES96 0081 2299 29 0001063210	22.953,13
ES65 0081 2299 21 0001014302	119,12
BANCO SANTANDER. Suc. Castro de Miño.	29.712,59
ES 22 0049 6674 2524 9001 8807	29.330,68
ES25 0030 6036 7603 1700 2273	381,91
TOTAL SALDO EN BANCOS	214.592,47

Con relación á obriga establecida no artigo 36.2 do ROF dirixida á secretaria da Corporación, para que o día da constitución das novas corporacións locais estea preparada a documentación relativa ó inventario do patrimonio da Corporación, a secretaria-interventora do Concello, manifesta que o inventario foi aprobado polo Pleno en sesión ordinaria celebrada o día 17 de setembro de 1993, informando a secretaria da necesidade da súa actualización, feito que quere transmitir para que quede constancia diante da Corporación municipal que se ven de constituír.

Por último, de orde do presidente da corporación, pola secretaria dáse lectura ós artigos 24 e 38 do varias veces citado Regulamento de organización, funcionamento e réxime xurídico das entidades locais, do contido do cal quedan informados tódolos asistentes.

Cumplido o obxectivo da convocatoria da presente sesión, cando son as doce horas e cincuenta e un minutos (12.51h) o Sr. Alcalde levanta a sesión do que eu, como secretaria, dou fe.

Vº e Pr.

O alcalde

Xurxo Rodríguez Mendez

A secretaria Interventora

Ana Mª Guerra Villamarin



